

partu. E Lemano in Rhodanum *ascendere* ajunt vere, inquit Gefnerus, ut et circa Sedunum capi: at in Tigurino et Acronio lacubus neque eodem tempore migrare putat. Acronii lacus incola *paritura* ad Rheni influentis ostium ascendit, ubi cum pepererit, rursus descendit. Conferri ajunt hunc piscem junipero, nam sicut haec tertio demum anno fructum perficit, ita etiam ejus foetus ad tertium usque annum crescens, perficitur: *parere* plerumque Julio et Augusto, alias citius tardiusve, prout coelum magis minusve calidum fuerit. Jam vero magno licet sit corpore, sua tamen natura agilis quoque est, aliarum Truttarum more. Tradit Jovius sese audivisse, majores istas Truttas lacus ripis lascivo excursu extremos arenae margines aliquando justis passus lon-

gitudine profulcasse. Laudantur vehementer *in cibis*, *Carnem* habent solidam, rubicundam, et saporis optimi: aliquando tamen prae nimia pinguedine nauseam movent, et mortuae paucissimis horis, quod pinguis illa teneritudo quam saepissime putrescant, gratiam saporis amittunt. Larianae multo succo corpora replent, et genitalem humorem copiose suggerunt. Praeferuntur, si Jovio credimus, Soranae aliis, in Acronii lacus parte inferiore captae, illis, quae in superiore parte capiuntur: item quae circa fundum pascantur, iis, quae circa summam aquam. Ab Helvetiis Februario commendantur, ab aliis simpliciter aestate, dum pulpae earum rubent. Spinae dorsi et Caudae assae, vel principum mensis inferuntur.

CAPVT III.

De Carpione.

TAB. XXIX.
2. 3.
Aldrovand.
de Piscibus
4. 5. c. 50.

Qui sit apud Veteres Carpio, ignoratur, Moderni quidam in solo Benaco lacu reperiri, et a carpendo auro dici ajunt. Alii ablata priori syllaba, *Pione* vocatum fuisse, ac tandem *Carpione*, quod cum quidam piscem edisset, careque supptitanti solvisset, care se Pione edisse diceret, perhibent Fracastorius a carpo nauta, a Saturo Benacum trajecturo, quod aurum ipsi extorqui vellet, in carpionem mutato derivat. Lacustri potissimum Truttae congener statui potest. Nam et corporis figura, partium numero et carnis substantia ei similis est: punctisque similiter nigris notatur, ac denique pinulam dorsi posteriorem mollem, ut illa habet. Evidentibus tamen ab ea interstinguitur notis. Prominentiori enim rostro, majoribus oculis, candidiore et turgidiore ventre, ac nigricantiore dorso est: *magnitudo* Truttae lacustri duorum triumve plerumque cubitorum, cum Carpio pedem excedere nunquam visus sit. *Dentes* habet non in maxillis solum, sed etiam in palato et lingua, *squamis* tegitur tenuibus. Ventrem habet candidum atque argenteum, dorsum subnigrum. Qui ab Aldrovando exprimitur, lateribus est fere rubicundis, intensius vero rubet linea corpus dividens. Ventre pinnisque candicat. *Tergus* ad caeruleum

inclinat. Solius Benaci lacus alumnus esse omnes ajunt: negatque Petrus Bembus alibi capi, huncque piscem capere atque cognoscere Fridrico Imperatori voluptati fuisse. Atqui Salvianus revera reperiri nascique asserit in parvo et limpido lacu, haud procul ab Alvito Campaniae oppido exoriente, (vulgo illago della posta appellato) ex quo Fibrenus fluvius exoritur: esse tamen Benacinis minores, et vix libram unam implere: Profundiora aquae *loca* amat. Pisciculis *vescitur* et quibusdam lacus recrementis. Bellonius Phrygani edacem esse tradit. Auro *vesci* paulo ante negavimus. Carne est duriuscula, siccaque, minime glutinosa, rubescente, Truttis et Salmonibus simili. Plus aequo servatos contabescere et deteriores fieri ajunt, id quod et multis aliis piscibus accidit, maxime iis, qui delicatior et friabili sunt carne, quam obrem Benaci accolae, in sartagine fixum, foliis involutum, aceto in quo aromata prius ebullierint, irrigatum, per proximas urbes circumferre, quem condiendi modum vulgus ab hoc pisce acarpionare, alii amarinare nuncupant. Platina spinam in capite gerere scribit perniciosam, eamque inter edendum cavendam: cujus tamen apud alios nulla mentio est.